

四庫全書

集部

欽定四庫全書

集部

蒲室集卷一至四

詳校官中書臣孫衡

侍讀臣孫球覆勘

總校官編修臣王燕緒

校對官中書臣趙秉淵

謄錄監生臣梁鳴岐

欽定四庫全書

集部五

蒲室集

別集類四元

提要

臣等謹案蒲室集十五卷元釋大訢撰大訢字笑隱南昌陳氏子居杭州之鳳山遷中天竺又主建康集慶寺是集詩六卷文九卷前有虞集序謂其如洞庭之野衆樂並作鏗宏軒昂蛟龍起躍物怪屏走沉冥發興至于名

殺節義則感厲奮激老於文學者不能過雖
稱之少溢其量然其五言古詩實足揖讓于
士大夫間餘體亦不含蔬筍之氣在僧詩中
猶屬雅音又文宗入繼大統改建康潛邸為
集慶寺特起大新居之授太中大夫故雖隸
緇流頗諳朝廷掌故若所著王可毅尚書厯
任記證以元史文宗本紀皆相符合惟本紀
謂至治元年五月中政使約爾珠

原作咬佳
今改正

告妥歡徹爾

原作脫歡察
見今改正

等交通親王於是

出文宗居海南而是記則謂至治二年讒慝

構禍文宗遷海南與本紀相差一年或傳寫誤

元為二故與史異耶集中多與趙孟頫柯九

思薩都拉

原作薩都
刺今改正

高彥敬虞集馬臻張翥

李孝光往來之作而第九卷中杭州路金剛

顯教院記第十二卷金陵天禧講寺佛光大

師德公塔銘並註曰代趙魏公作則孟頫亦嘗

假手於大訢知非俗僧矣乾隆四十六年九月恭校上

總纂官

臣紀昀陸錫熊

臣孫士毅

總校官

臣陸費墀

蒲室集原序

天地之相感而文生焉氣神周流物象變化而不可已者亦猶文章之出乎人者矣故夫以高下厚薄肥磽荒易之地以通乎風雨雷霆霜露之用摩盪消息起伏各因其所在而發焉千態萬狀之迹其可窮哉是故必以聰明特達之材而充其周普融攝之識徹乎天人古今之變以達其浩博精要之理而後可以為之也嗟乎鮮矣彼局促於咕嗶之間每不足以得之而妙契心要于形

駭之外者庶幾言之而無愧執之而無方以縱橫出入於當時者乎南昌訢公早有得於其宗精神所及六藝百家殆不足學也故其說法之餘肆筆為文莫之能禦以予所知自其先師北礪簡公物初觀公晦機熙公相繼坐大道場開示其法然皆有別集汪洋紆徐辨博環異則訢公之所為有自來矣我文皇建大剎于潛邸之舊處特起訢公居之天縱神明度越前代取一士而表異之冠于東南之叢林其遇合之故尊禮之意豈凡庸

所得窺其萬一訢公于是吸江海于硯席肆風雲於筆
端一坐十年應四方來者之求則一代人物之交見于
篇章簡什者殆無虛日豈尋常根器之所能哉予與訢
公相知二十年天厯至順間一再邂逅京師殊未暇
及茲事歸卧山中五六載方外之士相遭于淡泊時得
見其一二已不勝其驚喜高上人久從公游不鄙予之
衰朽而來過焉乃盡得其所為蒲室集者數巨帙惜予
有子夏丘明之疾危坐虛室使善讀書者琅然誦之如

洞庭之野衆樂並作鏗宏軒昂蛟龍起躍物怪屏走沉
冥發興至于名教節義則感厲奮激老于文學者不能
過也何其快哉何其快哉豈期寂寥遲暮之餘而有此
獲也故題其編末而歸之至元四年歲在戊寅四月八
日蜀郡虞集叙

欽定四庫全書

蒲室集卷一

古辭

倚蘭辭

野漫漫兮葉施霜
貿貿兮露滋匪陽
不晞彼美不見兮
以渴以饑湘之涉
兮阻且濟掛長蛇
兮吼玄羆景翳翳
兮歷崦嵫念徂歲
兮愆芳期羌不畏
乎色衰謂招魂兮

元
釋大訢撰

若有知遡長風兮覽予懷寄音塵于竹帛兮猶不媚厥
姿玉之舊兮參差風之佩兮陸離芳霏霏兮襲吾帷絢
朱絃兮待之娛子之獨兮憺忘歸

思親辭

有序

王君寶御史以游宦無常處圖先塋于軸歲時隨所
寓展祭之為作思親辭以致其思云

耳有聞兮如語目熒熒兮如睹來翩翩兮而欲舉倏而
去兮疇與奠蘭蒸兮桂酒我祭而享兮慰我荼苦念舊

居之衡宇今歸而乘兮驄馬泉深兮長溜木翳翳兮陰
茂篤孝思兮無數自我躬兮我後

山雲辭

有序

於上人結菴餘英山中揭所居曰半雲夫雲之為物
無多寡大小形也而曰半何哉上人離世絕俗人不
得而友之能不趨利而合不避害而散同于無心流
于無迹惟雲克肖焉于是空半室以居之朝夕容與
而不異也笑隱子懼其久而忘之欲固其盟遺之以

歌

南山兮朝隲夕容與兮水涯復儻回兮余次賓而肅之
兮款扉撫瑶席兮布函丈樂無數兮憺忘歸褻不瀆兮
去不違毋軼其疆兮猶有畛畦山中之人兮薜蘿衣
游萬物兮守天倪行之獨兮世無知匪雲之從兮其從
誰

徐勉之有琴曰風篁為作風篁引

湘之波兮夕風夕風兮龍吟在泓韶之亂兮盈耳接鈞

天兮雲中雲趨旂兮葆羽下風肅肅兮雨瀧瀧渺梧江
兮涕無從涕漬土兮爾竹維篁鳳翩翩兮不顧其凰不
念先君兮勗萬邦

宋孝子詩

有序

黃河嚙汴宋氏之墓湮焉孝子翼卿禱而繫髮于敝
鞍曳行積壤中土絰而止發之悉得其壙改葬之永
嘉李季和書其事予繹其遺思為之此曰

水有源兮木有本我有親兮親沒而不返念我稚兮有

鬚髣髴俄弁而冠兮歲暮纂纂墓有朽骨兮呼不應河
之嚙兮胡不仁幽則鬼兮明則人死生雖異兮豈無其
心我親不見兮何有我身我求而獲兮寧有鬼神

古詩

四言

高門一首贈嶽柱公

昔在唐虞比屋可封其民不知倥侗顓蒙五子歌夏棠
棣詠周漢興孝廉其俗日偷桑沃而隕泉流而遠歲不
我與予懷婉婉親之育我如不保矣我育我貴親之髦

矣親疾而呻我痛在腹親喪三年惟日不足我園我廬
于親之居杯棬猶存親食之餘我匪木石念之維何聖
訓是則靡知其他事君以忠友弟以愛以亢吾宗如親
之在乃作高門國有令典亦有卿公醜醕衍衍高門言
言過者必式予以作詩歌之無斁

客去一首送婁所性歸江西

客去復留客留終去鼉吟夜風鳩乳新雨有匹鳴鳥灌
木涓涓豈無旨酒不如晤語亦有多譽束帶乘馬無爽

我懷我疾遄愈

瞻雲亭詩有序

張君克禮赴任南臺御史以不克歸養誦狄公白雲
親舍之語感而作瞻雲亭以寄其思夫愛其親而朝
夕養者人情之常窮閭委巷皆能然也而士之有才
有志必期于樹勛業流聲實于無窮思所以榮顯其
親其親之命子亦若是而已故有出仕四方問道千
里而曾子所謂以養親者也然道降俗薄或因是以

流連沈湎蕩厥良心而日遠日忘其親者有之克禮
才茂氣宏年方強仕貴顯矣雖盡瘁王事而無時忘
親推是心以臨吏民施刑政措之天下豈外是哉予
幼以親命學佛而不能弘其道忝居官寺比乞退欲
效古人織屨為養未獲所請視古禮微顯有間而所
感則同也作瞻雲亭詩

雲隳于天條往而還我行于邁以日以年雲之將雨翳
翳其陰孰無父母獨勞我心我次于野飲馬于河載旌

揚揚其儀孔多鵬鯤海運豕豢于牢乃分之宜豈曰賢
勞占子歸矣鵲集于桷恩榮于家子有高爵賜號與秦
曳組若若載笑載言與子滿酌

畫蘭

爾芳來襲我佩斯紉有肖于德薰然而春匪夷匪惠國
士振振高風百世懷哉古人

泉石為劉君安賦

泉之始達維石齧齧不盈瓶罍而酌不竭決而疏之為

江為湖澤及于物不如其初是故君子道不苟售雖有
變臯愧于巢由我石孔貞我泉孔腴維德似之永矢弗
渝

古詩

五言

期石室不至

風水不可期知君定來否何處唱歌聲月明大谿口

心遠堂為吳江張清夫賦

適性無廣厦安居自光榮我生亦邂逅均爾衆物情方

春戒穡事孰謂吾無營濁醪聊自適客至亦共傾喧寂
庶可齊所貴吾道貞睦言邈千載惻惻茲抱盈

陶隱居像

玄運撫八極萬化同其根委佩天池月晞髮扶桑暎仙
佛皆幻跡著書亦寓言神交千載上一洗濁世昏

題程仲華西行集

有序

程仲華眉山人士少離故鄉居金陵數十年既老歸省
墳墓嘉其高誼為題其西行集

歸鳥投故林落葉庇本根人生首丘念所重骨肉恩蜀
土昔離亂脫身間道奔及茲承平久慈孝況所敦苦心
在丘隴志不慕田園敢辭萬里遠衣薄霜霰繁白首携
仲子斗酒酬幽魂墟里盡荆棘故老無一存幸託賢守
令大書刻墓門采詩垂國史傳之令子孫

送暉東陽往江西省佛智師

故家西江上遊子未曾歸而我豈不懷所慚志多違十
五知好道從師別庭闈竭來苔上寺遭時蹈危機秋風

走淮甸晏歲東海涯交情無厚親面諾心已非感子始
終意見我無瑕疵愛惡有妍醜人孰不自知目覩凌雲
質自足為我規況同早入室甚知多令儀前年黨禍作
衆潰如星馳老師卧一室四海浮雲悲我時闕服役賴
子能扶持子去我始至曾不慰渴饑遂令八十翁落日
鄉土思別來鞠再華田間霜露滋窮檐白日晚苦心徒
爾疲感激子遂行信有天下奇草堂白頭親有弟供甘
肥敢忘師道尊恩義無或虧意氣重然諾為道況孜孜

神機不停佇天馬脫羈能不念離索潦倒成荒嬉尺
書豈無郵問謁多愧辭我有心與目孰不為鳶鷁母老
家亦殫弟妹貧賤離長絕伯父恩骨朽葬無資天誅不
可逭何用涕交頤因子感我私聽歌行步遲誓言如白
水我歸豈無期

送楊子承臺郎

六旬苦不雨寢食不遑安佳人重遠別西風古長干辟
書豈不華中臺切雲端執簡贊畫諾羣彥集孔鸞丹心

金史卷一百一十五
卷一
照白日雄辭瀉驚湍所愛溫如玉何須鐵作肝賢才期
有用行志良獨難上言保明哲下以濟時艱關陝民食
子蜚蝗蔽淮壖便須給餽餉胡能及朝食維斗不可酌
西望銀河乾安得仙人掌盤傾玉露漣

送江希顏兼呈佛智師

豐草霜不死孤陽地中回佳人獨憔悴窮居謝行媒竭
來為親友飲馬寒江隈雞鳴戒蓐食晨發急景催念子
篤孝道每食涕盈腮霜露感祥練聞琴有餘哀我生非

人類未可置蒿萊師老不得養疇嘗恤凶災尺書那忍
寄未語先心摧驪駒且勿歌作詩補南陔

追和洪景盧內翰題龍臺寺韻送曇西竺

中年涉憂患事與壯心違誅茅依磻曲我歸已無時上
人受經地遠赴千里期江煙連竹色香露滴薔薇重關
無拒客政使過門稀只許毘耶老天華不著衣

次韻王伯循御史見贈

昔居西巖下茅屋三四間野服愧朝命孤雲不知還使

君起西土白晝風景閒
遠謁承明廬對策敢犯顏
錫宴上林苑筐篚屢所頒
高度宜清要蘭臺遂通班
哦詩泉上寺春滿荅潺潺
感予松菊荒日暮思故山
公才濟時用我退亦靜
憫拂衣從此別勇往無後艱

贈曹伯珪

吾友瑛與照昨日去
霽水豎子語燈火惜別中
夜起君來豈有期
送迎如聚塏歡笑失窮憂
明燭代短晷溪翁樂禪寂
文字棄糠粃恩公雲門來
相向氣劇壘馬鄧列

仙癯杜鄭國良士道術有至樂無庸實筐篚不能信宿
留孰有重於此洞庭波如山月出光散綺高齋桂團團
萬卷淨牕几壯夫各有慮豈肯守閭里

梁楷田樂圖

作勞田中歸酒味薄可漉人生一醉飽良不負吾腹牽
携影參差歌吹非有曲流風一胥靡此樂不可復吾人
孰非古亦有心與目封倫恨不留重覩貞觀俗昔在唐
虞世苗民有不服地磽知良農畜瘠求善牧願持畫史

心獻君比和玉朝來愧斯圖惻愴意未足

賦得露盤送邵本初侍親之括蒼

露盤何亭亭高挹南山青南山豈終固托茲金石貞方
諸貴同潔九鼎儼或輕芳澤晞朝日恩光照紫庭瓊液
寒初凝黃流注不盈我願為膏沐漻然一氣清蒹葭既
堅蒼蓼蕭亦滋榮但念括山遠霑衣戒宵征仙人餌玉
屑遊子藜藿情亦欲備甘旨非關學長生

次韻廉公秀御史送觀志能臺郎赴都

我愛魯司寇談笑隳三都中流天一柱孰憂顛不扶使
君蘭臺彥去惡如摧枯利刃剗茅枿肯顧蔓難圖問俗
湘水上重弔楚大夫長笛幽憤作落日壯心孤歸舟百
靈護風雨聞號呼

送觀志能臺郎赴都

得勸字

皎皎瓊林枝一見足良願三年獲周旋臺端肅懲勸野
吹結夕陰江烟帶寒蔓歌長步遲遲庶以展懷戀

次韻石室贈琦上人

啄木驚我夢丁丁伐平林書來叙別久長憶倚梧吟重
江蛟鰐橫感子遠訪尋氣肅蟄聲閉天高鳥遺音風林
生野吹河漢蕩秋陰相期如古人庶以展我心令躬崇
道德不貴玉與金

顏暉損

峽冬拖長冰崖滑如積鐵客子涕縱橫悲損助嗚咽仰
視浮雲奔再聽蒼石裂不畏行路難但感芳年歇

子昂竹石

石丈吾畏友此君義不薄寧知是圖畫清風滿丘壑

武仁夫蘭

有苾藉方烝紛紛藉蒼玉山林雨露深保此媚貞獨

萬空

萬有歸一空一空具萬有真宰靜無營大化自樞紐

送欽上人

我有錦繡段翠鯨卷波濤君家古刀尺裁剪不憚勞散
作五色雲隨風九天高天高望不極江水日滔滔

送吳希賢提舉

孔子萬世師委吏尚為之吳君學孔氏義盡所當為國
用資泉府況復官非卑錢幣有輕重相權酌其宜舟車
運四海使命速星馳流行防壅遏新故代有時糜腐界
炎燎監臨肅官威邇來苦剋偽奸弊日繁滋簡閱役閭
左逃奔困囚縶君才剴煩劇洞照情無遺銖兩析肯綮
爬梳理棼絲強弱均惠施示信明質劑駢羅紛瑣碎不
異貝與龜貿易欣所獲童稚莫或欺巨賈或深藏或負

歌而嬉互市置酒慶父老再陳辭郡侯樂僚友飛章省
與司為政盡如此寧憂事不治陳平宰天下分社先自
期况君早榮遇陪直通金閨晶熒瑚璉器凌厲青雲姿
壯業知不負祖帳書吾詩

琴書自樂詩

鼓琴由藝進讀書以學博過耳音不留空言亦奚託千
古會吾心於焉有真樂雨過晚涼生臨池看魚躍

怡如堂為劉彬之賦

舜琴解民愠象傲未必悛周公賦棠棣莫釋管蔡寃不
齊物之情大聖何能全劉氏廬陵秀詩禮世蟬聯討論
自師友萬卷金齋懸所適況吾土山水清而妍嚶鳴悅
佳蔭賴尾便漪漣富貴苦憂患皆由外物遷漂泊悲夜
雨遠征愧飛鷺怡愉有至樂孰若斯堂賢一翁與二季
蘇也敢獨專聯壁上金榜側耳鴻臚傳

題畫

遠山如故人夢寐思見之見之了非夢卜居終無期乃

知畫者意善巧牽吾思居然礪之曲灣碕俯茅茨川容
得春媚渙渙流晴漸魚罟散蓬藿鹿瞳縱橫馳澄江起
暮色客袂風淒其所歷紛可數身世亦足悲百年俱幻
境對此奚獨疑

感興一首

卧病長江上朔風撼我牀泥垣壞積雨弱柳空自長猶
懷嵩隄歸何曾羨奎章白璧忍橫道千金戒垂堂鳳凰
五色羽風雨傷摧殘坐視不遑恤百憂如驚湍我夜

不得寢我食不得餐因知古人意頻歌行路難

索士巖都事赴浙東僉憲以疾不能送行作詩寄

別

鯤鵬雖鉅物為瑞不如鳳五金利而堅良玉世所重古
來德輔時不必趨俗用公德配古人文藝復掩衆前驅
失班揚後顧無屈宋譬之武事嚴萬甲卷殺雍往年試
春闈對策天威動烈風挾長波電影掠飛鞚稱此衣繡
榮人品賴甄綜任衆難獨專棖桷雜楹棟分憲得問俗

施惠徵前痛積水散鳧鷖良疇沒菰葑飛章擇守令邦
賦足輸貢懷德民不欺率教童知誦平生許經濟無由
預賓從方外亦何有天地一空洞所慚世網嬰不虞禍
機中車債長途暮舟膠哀壑凍甘澤被污萊巨照燭昏
曹乞退悔苦晚誰無鉢飯供願從金華山芋區荒可種
更憐蘇長公忍別阻追送短歌愧知己空懷好音唳

蒲室集卷一

欽定四庫全書

蒲室集卷二

元 釋大訢 撰

古詩 七言

月支王頭飲器歌

呼韓款塞稱藩臣已知絕漠無王庭
馳突猶夸漢使者縱馬夜出居延城
我有飲器非飲酒開函視之萬鬼走
世世無忘冒頓功月支強王頭在手
帳下朔風吹酒寒

凝酥點雪紅爛斑想見長纓繫馬上髑髏濺血如奔湍
手摩欲回斗杓轉河決崑崙注尊滿酒酣劍吼浮雲悲
使者辭歡歸就館古稱尊俎備獻酬孰知盟誓生戈矛
斬取樓蘭懸漢闕功臣猶數義陽侯

曹娥江讀碑圖

海門五月潮如山龍伯龔負蒼蛟頑越俗輕生好巫鬼
婆娑踏舞洪濤間羣巫姣服盱獨好歌聲忽絕紅旗倒
孝娥死抱父屍出天地無情日杲杲雄詞不媿邯鄲兒

萬金莫購中郎題碑陰八字非隱語德祖有智如滑稽
豈是阿瞞不解此感媿上馬歸路迷女德猶能奮其節
壯夫氣吐萬丈霓姦雄復欲欺後世白頭猶愛漢征西
丹青似是董狐筆千年要與竹帛齊娥江新廟照江水
可憐銅雀草萋萋

太白觀瀑布圖

我本白雲人見山每回首披圖得松泉感我塵埃久我
家只在九江口從此扁舟到牛斗翻愁天上銀濤堆石

轉雲奔萬雷吼水行地底不上天龍泓豈與滄溟連風
葉無聲飛鳥絕月光雲影天茫然丈人何來自空谷謫
仙招隱當不辱林梢噴雪舞飛華尚想隨風唾珠玉馬
首青山如喚人歸來好及松華春泉香入新釀解公頭
上巾今者孰不樂荒墳委荆榛遂令畫師意萬古留酸
辛酸辛復何益東海飛紅塵

駿馬圖

世無伯樂亦久矣駿馬何由千里至披圖猶似得權奇

豈伊畫師知馬意何人致此鐵色驪旋毛繞腹新鑿蹄
帝閑遠謫天駟下馳來月窟浮雲低古王有土數千里
八極周遊寧用爾方今萬國効奔命合遣龍媒獻天子
飈馳電沒爭辟易萬里所向無前敵男兒馬上定乾坤
腐儒詩書果何益幾愁骨折青海烟黃沙野海穹廬前
幸逢好事寫真傳似向長鳴誰與憐嗟我身如倦飛鳥
十年繭足愁山川安得千金購神駿攬轡欲盡東南天

宿牛頭庵

有序

延祐甲寅十二月登牛頭山雪後見草菴如壺有淵
道人居之從一竇俯入中可丈五設一柴牀無他長
物客至則立語謝客客故去淵以半坐分我且言始
至從樵者丐畚茅席地為坐淫雨沮洳翹立終日居
人始憐我有周文卿為構瓦屋三間而予適至豈有
所待耶敢以菴累子一日會周相歡如平生翌日作
詩相留予既慕融公高風欲憩止焉而志不果作短
歌謝周

憶昔壯年遊東溟大船椎鼓江上行天女吹華龍象舞
風水夜作蛟鼉驚浩歌聲戛牛斗上百年有志非功名
箋經肯讓甘露滅上書獨許嵩仲靈青春悠悠去不返
萬里孤蓬尚漂轉可憐歲晚長干城冰雪連天江漢遠
紫雲如蓋青石寒必逢勝處一解顏平生始識周處士
臨歧握手俱忘還老子胸中飽丘壑道人眼底無江山
十日茅茨卧風雨便擬掛錫烟蘿間師年八十不可待
又欲為母營朝餐况聞大法可痛哭我心安得如石頑

初發金陵夜泊龍灣寄茅山道士李方外

人生不必行萬里亦不願讀萬卷書願為茅山十日客
山僧坐列羣仙圖大風揚旗出天闕小峯萬馬爭奔趨
俄頃波濤忽破碎木末飛上金畢逋青書畫馳壇室靜
玉鞭夜擊聞傳呼去年獨宿丹井下天風拂地迎麻姑
今年許入玉柱洞誰遣旅食隨檣烏懷人弔古夜寂寞
寒江落月號猩鼯祖龍埋金王氣歇梁宮晉苑沈煙蕪
想見雲龍映朝日山中宰相良非迂

趙魏公松石梵僧圖

趙公說法如淨名自言前身元是僧
惟師祭可樂禪寂
譯經不讓什與澄
如來三昧驚幻目
遊戲三生餘習熟
天子置之白玉堂
富貴苦人如桎梏
不受一塵虛自照
萬物芸芸觀衆妙
揮豪不假意經營
我知顧陸非同調
當時西域多象龍
獨畫栖霞禪了真
妄巖石寧須著
幼輿凌烟不必求
諸將誰呼胡僧從
定起向人不語惟彈指
顴頰深眸貫雙耳
歸渡流沙三萬里
我獨何人甘陸沈

著脚紅塵十丈深長松有約從公去南嶽天台無處尋

嶽柱留守捕蝗詩

有序

嶽柱留守嘗監懷慶路穀將登而蝗至禱之唐太宗
廟一夕大雨蝗盡死歲以大穰都人士作詩美之予

亦追賦一首

蛇可捕兮虎可搏古者尚譏官政虐彼蝗為災不可禦
忍使吾民委溝壑我侯作郡民父母救災弭患必師古
貞觀天子天可汗仰天吞蝗天悔怒新廟奕奕神所持

牲肥酒旨拜且祈我苗芄芄黍離離嗟我婦子同耘耔
生而孔艱復殘之曷若勿生勞我為雲車風馬來委蛇
凍雨前導風淒其盡殄孽類無留遺僵若蟬蛻粘枯枝
民頌侯德侯曰辭歸功於神民不疑嗟哉彼蝗人共知
彼人而蝗胡可欺膾人之肉啖以肥維路白粲盜所資
亦有讒舌如鈇錐笑談咫尺生危機古來覆國七廟隳
四海流血民瘡痍神不殛之神所疵惡稔而斃往莫追
天人好惡常背馳不生鸞鳳生梟鴟茫茫大化不可推

為惡可肆為善危文皇至今天日姿宜錫我侯福如茨
如房如杜登天墀去惡如草務芟夷如殲厥蝗不復滋
吾民重覩貞觀時作歌長慰吾民思

商德符畫為雲門若李衡題

左山文采妙一世季子德符以畫傳家世風流寧復爾
粉繪零落隨朝煙德符一飲一石斗山中作客兼旬酒
携我一匹練絹歸畫成許寄隨鳥有溪翁何幸得片幅
著我風飄寄枯木萬壑驚濤聲撼屋陰崖六月寒生粟

我倦將迎奔驥渴有懷浩蕩春江闊惠遠何曾過虎溪
猶聞大覺焚龍鉢豈無荷屋薜蘿衣豆苗如玉山雨肥
十年已負長松期扁舟好逐畫圖歸

會曹伯珪

故人乍見如生面良久熟視仍驚呼六年怪我憂患餘
不應豐美如瓠壺煖湯濯足敷座坐呼童爨玉羹土酥
携過雙林謁大士天華吹墮紅氍毹斷穗清霜農圃淨
寒鴉落木漁村孤從游復恨冬日短張燈待月松堂虛

淵明不入惠遠社杜子頗是贊公徒彼皆艱難困生理
好事豈有此樂且曹君曹君慎勿疎他年念我專壑居
夜來寄夢果有徵乘風萬里雲龍趨

送張清夫

有序

清夫吳江人為其友袁通甫收遺文來錢塘作歌送
別

袁子平生妙斲輪未必俱化隨埃塵十年讀詩不相識
斯文義與骨肉親徧搜遺藁走江城吳人往往未知名

錢塘晚值張公子為我開篋金石鳴昌歎尚須論所好
惜哉已往空戀嫻况有張公德業崇訢也敢不攄懷抱
去年湖陰三日雨饑吟待旦聽五鼓風水愁催畫鷁飛
松杉喜作龍虬舞別後寄書能幾回褰裳有約今雨來
高歌擊節孰不樂空山井塌生秋苔王門曳裾三十載
只今鬢影霜皚皚風流何止一丘壑置之曄曄黃金臺
顏暉耕牧漁樵圖

南陽草廬人已非短衣飯牛歌獨悲渭濱之叟非熊羆

買臣五十印累累江湖與子終忘歸北風吹面鬢如絲
次張夢臣侍御遊鍾山五十韻

驪駒在路客在門送客張燕當平原鍾山猿鶴有舊約
石磴百折不憚煩振衣西揖洪崖月持竿東拂扶桑暎
天風高寒鳥不度陰崖六月挾纒溫張公身到牛斗上
歸路雲中哦七言老韓角勝光萬丈山火爛爛照陸渾
玄冥却走海若避大旗偃道車橫墩蘇仙騎氣御八極
乘月夜過羅浮村神交千載若有待天畀王室為屏藩

平生知名今識面
精爽飛動風中旛
繡衣東來肅南紀
玉質照映沙塵昏
相依願為繞樹鵲
擇木不愧投林猿
揮毫千章水東注
雅思萬古雲孤騫
前席趨歸宣室殿
瞻星夜近太微垣
林下從游恐相負
小山叢桂何滋蕃
新辭題徧霜筠節
雄文鏤入蒼崖根
上方樓觀壓霄漢
御榻堂前朝至尊
瀛海三山扶納陛
雲烟千尺上鈎援
嶽瀆奔驅百靈集
蛟龍上天九河翻
芒碭雲氣不復見
鼎湖弓劍今猶存
松檜邈穆葆羽合
重岡肅肅萬馬屯

中丞元勳王相種天庭選羽翔鸞鵠六時長齋供梵唄
終歲不聞絃竹喧每對羹牆增感慨從狩釣天勞夢魂
洞庭日下蒼梧野落木西風揮淚痕居憂起復重嗚咽
百年忠孝情彌敦幕中從事盡金玉雅頌更奏伯氏墳
山人枯槁甘自棄幸一染指如解黿鴈冠我我鐵面寒
翠柏清霜玉露繁鼓鐘會食列五鼎蘭蒸桂醑羅芳蓀
上疏骨鯁動天聽南山可移舌莫捫側聞猺獠肆猖獗
竊發五嶺長蛇奔海隅赤子苦脅從如掩澤雉居籠樊

官軍深入期格捕帶甲千萬乘冬暄無乃州縣失撫字
彼猴而冠鶴而軒災異示儆孰不畏震驚坤軸如風掀
齊魯洪流及淮甸鯨吐鼉擲相吐吞公歸補袞佐調燮
駿奔百祀埋璵璠股肱明良元首聖矯矯玉柱擎崑崙
畫圖早上麒麟閣迎春先酌白獸樽吾徒無為樂閒暇
賸收芋栗充晨飧曇翁三生道林老譚經屢對華林園
披圖再覩天日表愧我杯渡從乘鯤投機未能箭鋒直
懷德請以知己論門徒散華時入聖公卿問道夜叩閣

金
卷二
玄風載揚化日永八荒壽域開皇元郊天祭地伸孝享
降福簡簡施聖孫奕奕相輝聯棣鄂至哉地勢培重坤
明公作歌播金石山礪河帶矢弗諼聖明日月照萬代
但願容光及覆盆

曹伯珪築室曰桂齋戲作俳諧體

阿仙騎蟾白銀闕醉折秋華粲玉屑霓裳曲散墮清塵
涼夜素娥悲白髮玉輪碾香空翠寒流光萬里君合歡
大星漸低海色白高齋翠影空團團萬卷芳心期厚地

憔悴秋香忍相棄百年苦使富貴羈淮南小山歸不歸

送許典史

杜老愛為青城客不唾其地心惻惻我居錢塘三十年
與君況是巷南北我來金陵主官寺君往邑宰為長吏
奔趨固是可怜生貴賤何分等兒戲方今人情尚往復吏
事公才要精熟君雖足疾善應酬踈躑可擬追風速獄
訟簿書森似束剖決詳明如破竹烏臺巖巖人側足霜
威砭體寒生粟近聞羣縣不知戒高冠馬多顛覆君

今組解及瓜期縣幕雖卑良不辱父老扶携邑長留載
酒百壺車折軸我自山人寡送迎作歌庶以勵風俗

贈醫者夏仁齋

宋清知名自柳子夏生何幸逢魯公魯公况是國元老
品題孰敢當才雄試藝潛宮稱絕藝喜動天顏錫金幣
後來竊比分推賢微車不入都門市一壺自有一乾坤
誰道天人隔幾塵白榆紅杏成行種雞犬仙家萬戶春
莫怪風塵凋玉質芳名誤被時人識更將草木代蟲魚

陰功早已標仙籍我行南北倦將迎何暇從君問養生
身幻不須憂二豎心安那用守三彭是身是病從何起
因癡有愛淪生死天華如雨石房深誰識毘耶老居士

寄隆祥使司張司丞

聖皇孝治嚴宗裡祠官秩秩皆大臣光動雲霄金鸞鷲
駿奔風日玉麒麟我公惻怛劇忠愛精誠默與神靈會
毳毼華雨佛壇深玉色天容儼如在潛宮重念大江南
江華冥冥柳毵毵白頭父老望巡幸雲車風馬龍為驂

古昔褒崇前聖墓守墓猶令復其賦山中御榻神龍護
忍對羹牆重思慕省臺文移副宸衷我公驅馳早夜同
門徒書來感深意一飯必報心忡忡相知何必論相見
千里同風如對面終願臺端有高選繡衣南來慰懷念

湯氏義門詩

九江義門是吾族流落四方困窮獨幼承慈訓寄空宗
隻影江湖隨鴈鶩吳門湯氏碩且蕃累世同居二百年
中書旌表剖符下郡乘載之太史傳幸際明時歌有道

誰謂古來風俗好孔子東西南北人周公兄弟不相保

蘭蕙同芳圖為遼彥常賦

生子當如陳仲弓元方季方古無同後來蘇氏亦聯璧
皆以二子奉一翁二難繼美復繼世爰有衛墟之遼氏
王孫揮灑寄清標同芳婉德宜蘭蕙前登佩玉舞嬋班
後者巧笑生眉彎置之臺閣伯仲間況復齊名大小山
休論九畹與百畝優劣較香華可數離騷三復對靈均
再鼓朱絃慰尼父

蒲室集卷二

欽定四庫全書

蒲室集卷三

元 釋大訢 撰

律詩

五言

送趙公子去疾侍平章魯公歸蜀

所羨還鄉樂茲行得侍親魯公黃閣舊宣詔紫泥新給
傳舟車備承筐玉幣陳會靈奔嶽瀆移次動星辰父老
懷遺愛朝廷眷大臣百年輕重計一舸去留身子職共

承重親知囑諭諄行庖供膳早張燕進觴頻寶瑟調銀
甲凋盤膾玉鱗雲林還弔古風物獨傷神地勢金城壯
山光錦浪勻江喧初上峽樹遠欲通秦牛女天河夜魚
龍水草春豐碑臨罍肩高塚撫麒麟側聽歌淇澳猶聞
起渭濱上尊羅甲帳仙仗擁蒲輪朽櫟依瓊樹飛華戀
錦茵峨眉尋舊約谷口卜芳鄰願結香山社終陪綠野
賓相期無遠別萬里月隨人

次韻張夢臣侍御遊蔣山五十韻

勝遊還送客秋日淨郊原別酒歡適洽行厨禮不煩
楓林生晚吹鞠沼媚晨暾滿座金貂貴斯人玉雪溫
綵綸承異渥黼黻進嘉言宥密皇猷重才華大雅渾
披雲簾掛玉前席錦為墩接武夔龍地冥懷鴈鷺村
外臺分重寄南服占名藩登麥初橫榻迎春及賜旂
憑高荒壘沒弔古斷碑昏種竹期招鳳尋僧共聽猿
洞呀獰蟒化海立怒鵬騫珠鈿沈智井金鋪委壞垣
國初遺老在江表故家蕃及物多膏澤為邦固本根
化行民自信身退道

彌尊美俗時丕變吾人溺可援山川還寂寞歲月去翩
翻廢館弦聲絕虛龕繪像存苔斑饑鼠走梅卧野蜂屯
除道看驄馬來儀集采鸞傳呼驚鹿鋌笑語答江喧撫
跡多遺恨懷人欲斷魂馭風寧有待斷聖妙無痕師表
儒林盛賢勞王事敦不求金躍冶但愛土為塤陳寶徒
祠雉柏溫苦化黿青山隨地好朱實著霜繁充味和椒
桂同馨佩芷蓀衡廬肩可拍參井手先捫說劍雙龍吼
揮毫萬馬奔築臺先自隗學圃恥如樊破衲多年冷窮

檐旁午暄不才甘朽櫟何幸枉高軒蕪穢煩芟剌泥塗
賴力掀班揚鋒遠避屈賈氣還吞舉世懷燕石惟吾重魯
璠三光開渾沌萬派出崑崙喜接東山屐叨陪北海樽
辱知榮篚帛懷德報壺飧多稼欣逢歲嘉蔬更滿園雲
霄翔鶴鶴溟渤偃鯨鯢寒士勤嘘拂諸生淑討論望塵
趨末路立雪候重閣緣忝三生舊心冥萬化元棠陰思
召伯柳色憶王孫精衛慙填海神鼇力負坤他時愁遠
別此意竟難諉嵩華相從去重窺玉女盆

述懷送觀空海歸臨川七十韻

幼慕空門貴高蹤世可遺功名輕閑閑塵土豈磷緇澄
觀難居俗湯休不廢詩三生猶有習四海豈無師身去
江湖遠山空雷雨垂諸方驚老宿同舍走羣兒素昧平
生願居然會面期解牛須肯綮相馬必權奇壯業期軒
輊新功日倍蓰氣豪空虎穴戰勝失魚麗五載靈谿寺
千章白雪詞清遊忘旦暮物論不瑕疵奎畫前朝秘清
霜古佛規巖空孤有塔山古寺無基松燎供宵讀芹香

助午炊凍泥蛙似蟹春雨菌如芝遠客愁猿狖村童抱
鹿麕雲藏吳猛廟雷護柳公碑物色紛難數雄材應接
疲願終盤谷隱恥事北山移未覺歡娛盡深蒙造物私
寒巖徒刻畫元氣忽淋漓共喜師門盛何嗟友道睽青
山吳甸沒白水楚天涯落日三年望浮雲兩地思驛書
勞白鴈貞信卜玄龜果腹期雞黍同心感鐵鉉羣公來
雜選餘子去委蛇風日矜神駿雲霄刷羽儀古今存道
統師友得綱維今代誰潛子宗門一器之聯芳端不忝

清要合如斯自許奔流象何知測海蠱艾夷開樸檄洗
滌脫瘡痍弔古多閒暇登臨甚忸怩山河秦百二宮闕
漢眾愚黃壤侵銅狄春風動兔葵林蘇俱異物標畫不
同時志大交難合歌長聲愈悲近人山擁座照席月臨
池正擬追金玉方將脫韁羈不才還涉世中道遂分歧
相失嗟狼狽無謀哂鸛鵒交情淡于水真味美如飴衣
綻寒分絮囊空遠貸貲鵠原兄弟急犴獄簡書疑仁者
應無敵將軍自數奇波濤孤梗汎風雨一巢危亡命憐

張儉逃生愧范睢百年俱繾綣千里許驅馳誓欲同生
死那能顧渴饑推恩豈望報非德竟何為吾道懸孤注
叢林失一夔老師甘屏棄弟子頌期頤逝水歸東壑流
光及崦嵫空餘匠石斲誰善宰夫胹行獨招羣忘名高
得謗隨長鳴悲病鶴老氣卧孤羆入室猶橫榻承顏或
奉匱樓孤金驛遠河直玉繩歌未厭從師樂其如念母
慈江雲連襁褓山雪濕茅茨短世驚炊黍成功付覆碁
何曾犀首貴空作虎頭癡白日真成去青春有別離風

煙辭北固江漢抱南箕浪穩饒蛟睡天長白鳥遲鄉關
迷遠近雲樹暗參差幸喜收蠻獠于今靜鼓輦詩成須
數寄清響播埵簏

送宋誠夫侍郎福建注選歸朝

已見崇儒效端由取士優涵濡知聖化啟沃待嘉謀歷
以諸難試旋聞百廢修分曹仍領選南省且停騶齊相
門難掃山公啟可投炎荒逾嶺海東極表閩甌水鏡明
羣象銓衡列九流人期修乃職吾欲拔其尤分寸躋難

上鎔銖細莫收匪惟公論合若應衆心求六翮雲霄濶
修鱗窟宅幽乾坤生物大雨露化工侔紫詔頒宸極清
光動冕旒天高烟瘴淨氣肅雪霜稠高蓋相迎候遺經
得校讐人材臻盛世文物並中州公已多遺愛誰同紀
勝遊清商金石奏歸思繭絲抽蓐食勤征僕梅蒸損敝
裘諸君懷感激短景惜淹留愧我同樗櫟勞生甚贅疣
斷蓬風捲絮破屋雨傾湫烟水蛟龍暮江湖鴈鶩秋銀
河斜斗柄雲海限瀛洲待月飛金錫因風駕玉虬天台

無負約為我訪閭丘

送何彥敬赴山東憲幕

風物中州美人材聖代優恢恢光嶽合肅肅羽儀修省
署千官盛臺綱衆目收諸公多汲黯文掾獨何休健筆
回天險精機洞鬼幽霆奔羣蟄奮鼉負五山浮責已常
存恕知人庶寡尤平生周禮樂後世魯春秋西極銷鋒
鏑坤維得綬旒元功推衛霍首罪竄共兇陳寶無祠雉
桃林已放牛九天行日月一命重山丘幕府非閒散山

東且勝遊飈車馳羽檄霜刃避吳鉤白下諸侯酒淮南
使者舟風清捎退鷁月冷動潛蚪歷數無雙士誰為第
一流託交慚素昧道術得相求塵土緇衣浣山林白髮
羞送君因有感暮色起滄洲

送暉昧谷歸蜀

西土稱多士吾宗代有賢百年罹末運三蜀竟中捐江
漢情悽若關河氣藹然重來天下士忽見國初年日月
臨雙闕星辰共一天人材端有合地勢豈云偏今代誰

名勝斯人亦靖專
鵷雛文翮健驥子肉駿拳濯足思滄
海浮栝動碧漣池魚知法要山鬼學深禪行李元無住
飄蓬也自憐登高羣水下弔古大江前猶說錢塘好徒
聞鐵甕堅英雄銷鷺鳥簡牘謾蟬聯故國雲千疊新秋
雨一川江風今夜急巴月向時圓鴈起傖人笛鴉迎賈
客船出潭天似束入峽水如懸久駐邦君騎爭輸邑子
錢雨華知滿地鐘鼓報林泉

完者篤總管瑞麥詩

白下農登麥民歌秀兩岐樂郊原
膾膾化日景熙熙膏澤均千里
薰蒸足四時舜琴方日奏鄒律
協期吹玄測猶存象休徵不待
龜誠通天自應氣感物無疵紀
瑞農司喜披圖太史知聯纓珠
的皪雙佩玉歲蕤宿雨含芳膩
鮮飈動綠漪鳥嚶金羽並雉雉
錦雲披充市邀湯餅比鄰餉糗
餐丙丁先薦祖庚癸免呼師翁
飽支頤睡兒閒鼓腹嬉不須秦
貸粟無復魯憂葵子產多遺愛
張堪匪溢辭頌慚連理木歌忝
九莖芝仙李彌蕃衍甘棠願

永思登庸期變理布治待網維展也風雲會懷哉雨露
滋思文尊配稷洪範遠傳箕王道惟歸極民心貴秉彝
來牟存古典貽訓可無詩

送劉文美知事赴燕南

江陵初扈蹕忠義可回天代邸朱虛重南陽鄧禹賢揮
毫當白日舞劍動華筵宮錦紅雲暖金盤玉露圓古來
三語掾今代孝廉船無薄燕南幕相期日九遷

蒲室集卷三

欽定四庫全書

蒲室集卷四

元 釋大訢 撰

律詩 五言

佛智師歸仰山

早發扶輿拜鐙明
愛白頭故鄉元自好
遊子獨淹留壯業真何用
孤懷未忍休
始終存衆望不敢畏離憂

送張用鼎遊燕南

天上知名久由來漢客星江湖歌白雪風露滿青冥巴
蜀須傳檄燕山待勒銘壯夫期遠大不獨抱遺經

寄皇甫州判三首

吏隱風流甚高懷似野僧八分秦畫古三尺漢官能止
水心無競清秋氣欲增扶搖如有待萬里看飛騰

錫谷泉無比青山亦可人試茶招野客拄笏及清晨平
野牛羊卧空庭鳥雀馴學優為政樂風俗見遺民

講罷長干寺牛頭取次遊秋風三載別滄海一身浮擊

鉢隨魚艇翻經滿石樓故人知我意書札為相酬

次韻寧宣尉

將門三葉貴古劍雪霜礪霧卷烏蠻淨風生碧海清投
壺驚甲帳飛墨動雲屏未愜清遊興松房聽雨聲

送別二首

行役何時了宗門可罷參棲遲無杜曲留滯尚周南渡
水聞天磬登山禮佛龕百年重回首風柳正毵毵
沙鳥高低語江雲斷續飛青山攜手別秋日故人稀落

落芳心在悠悠昨夢非歌長不用續鯨浪暗吹衣

趙大年小景

斷葦仍催雪寒潮不上溝扁舟從此去一衲更何求望
遠支頤倦臨流照影羞披圖重有感空負五湖秋

送秦元之參議赴太禧宗禋院二首

聖皇思孝治禋祀荅鴻禧文祖尊虞典祠官肅漢儀嘉
言資畫諾直道在綱維珍重如金玉山林慰所知

臺省東南重俱稱幕府賢人誇冠有勇我愛筆如椽行

李江東月離觴柳下筵春風遺愛地賑粟萬樓船

送人奔父喪二首

銜訃奔程急秋陽晚作威馬悲循道踴烏感傍人飛
遊學期身達哀榮與願違始終全志養德業足光輝

死生千里別父子百年心淚盡黃泉咽愁來白晝陰雲
山通楚迥江水入淮深廬墓多祥應他年惠好音

寄趙伯寧中丞

有序

八月二十一日人達趙伯寧中丞書其日趙初度遂

寄詩二首趙與予同生甲申也

早忝相知舊山林愧不才生申同八月華甲異三台鵷
鷺龍庭會風雲玉帳回遙知初度日宣賜紫霞栢
新寺承恩重深慚燕雀微寶階華散綺金地月增輝布
畫勞鈞軸經營識化機西湖風雪夜還憶對麻衣

答張雪峯司農二首

宿衛千官直明公列上頭露華金井凍紅葉石渠秋分
職農司重為邦食貨優不忘方外興書札到林丘

營繕勞供億推忠荅聖恩玉泉上林苑金地給孤園華
雨看還眩星河坐可捫南宗猶借重不惜問風旛

庚午秋過淮安

百感何嗟及行人過楚州笛聲今夜月雲物向時秋古
驛依城住長河傍海流天王南狩日曾此駐鳴騶

過淮河口

水次千家市蠻商聚百艘揚徐元接壤河泗此交流乘
傳陪天使浮柁任海漚夜涼瞻斗柄想見上林秋

送薩天錫照磨赴燕南憲幕

蕭寺留詩別高懷不負公江聲元自急山勢古來雄下
榻疎鐘雨登臺落木風重來無幾日除道避乘驄

送簡上人

有序

分院官按行吉安諸山取妄庸住持十數人革去令
簡持咨赴行院投之簡求詩贈此

千古象龍地淒涼孤兔居固應韓子論無復仲靈書使
命文仍重宗綱網未疏煩君馳驛急感激壯懷孤

蘭蕙同芳圖為馬元博題

其凡伯庸為三臺中丞元博御史掾時人榮之

比德宜君子同芳伯仲間舞風長佩委笑日淺眉灣蕙
帳懷幽遯蘭臺接上班國香應自媚容伴玉人間

挽陳如心縣尹

自昔稱人望寧論祿仕豐平生太丘長今見魯山公顯
若思時雨薰然被德風承顏空有夢長與逝川東

楊執中幼與予同舍自予去鄉里一別四十五年
矣乍見俱不相識承惠詩二首次韻謝之

勛業雙蓬鬢江湖萬里心扣舷山月近歌枕夜濤深多
士懷東觀何人賦上林只將絃上趣白雪寫遺音


青衿巷南北雞犬識比鄰驟面初疑夢論交晚覺親丈
章元有命耕釣豈無人老矣非吾願滄洲合問津

次韻奉荅吳可堂左丞致政寓九江見貽

晚節陶元亮平生賀季真雞豚栗里社賓客午橋春風
物三生夢功名百歲身種蓮毋負約金地不生塵

送睢陽王德明辟內御史府掾

巡遠睢陽後遺風士氣豪
河經商邑壯山並關臺高月
窟求龍種天池集鳳毛
辟書寧易致不用歎賢勞



蒲室集卷四

欽定四庫全書

集部

蒲室集卷五至七

詳校官中書臣孫衡

侍讀臣孫球覆勘

總校官編修臣王燕緒

校對官中書臣朱攸

謄錄監生臣李燧

欽定四庫全書

蒲室集卷五

元 釋大訢 撰

律詩

七言

萬歲山

蜿蜒金翠倚青冥
虛谷時傳萬歲聲
葆羽毵旂雲氣濕
玉龍鱗甲夜寒生
關河拱挹皇居壯
宮殿深嚴聖慮清
自愧山林麋鹿性
也隨鵠鷺到承明

黃河阻風

九域重尋禹蹟荒
喜聽懸水夜浪浪
中原迤邐河流壯
元氣汪洋地脉長
萬里風雲來黯澹
五更星斗下光芒
我行不有神靈助
風送天香自帝傍

高彥敬尚書墨竹

西域高侯自愛山
北君冰雪故相看
蒼梧帝子秋風淚
翠袖佳人日暮寒
妙處寧論鐵鉤鎖
深情莫報翠琅玕
誅茅何處陰崖底
靜看梢頭玉露漙

送郭幹卿學士赴奎章閣次趙魯公韻二首

歲晏俄聞上國行，安車可是暮年情。
早朝翠霧霑衣濕，夜直銀河入坐清。
社稷憂勤霜鬢短，江湖歸夢釣絲輕。
相携不盡丁寧語，歌斷驪駒白下城。

短褐寧陪衣繡行，相忘道術愧深情。
光分玉樹精神合，氣肅金盤沆瀣清。
孤鳳遠歸阿閣晚，六鼇浮去五山輕。
微踪亦與扁舟約，煙水南詢第幾城。

次韻王繼學侍御金陵雜詠十首

新到建業

翩翩筆勢捲春潮自倚經綸答聖朝
瀚海天高霜鶚健沙堤華發玉驄驕
只知鼇負三山重誰識鵬搏萬里遙
今日烏臺還赴召聚觀父老滿江橋

江表風流辱寵臨青山無恙只如今
高陵雲合遺金化秋浦涼生古玉沈
吏散圖書齋閣靜公餘女樂後堂深
題詩石壁山靈護莫遣春風薜荔侵

龍翔寺

潛宮樓觀頌中興王氣東南百倍增
瞻鵲欲從銀漢度
攀龍空想白雲乘
經營不惜金沙布
顧命猶傳玉几憑
誰識再來房次律
重尋筆塚記吾曾

君子堂

堂名君子為君開
喜報傳呼柳下來
當道豺狼應屏跡
故山猿鶴莫驚猜
波搖翡翠風生佩
露冷金莖月滿臺
況是青谿江總宅
黑頭勛業為低回

東窓看山

微茫翠浪瀉青瑤木末斜分鳥道遙雲斂江亭初過雨
月明津樹欲生潮崖根橘柚知誰種磻曲茅茨許過樵
不羨東山携妓看堆盤繪玉映紅綃

忠勤樓

自負東南一劍橫故應宸翰錫嘉名帛書峴首愁歸鴈
鼙鼓江心吼怒鯨落木叢祠孤淚墮西風長笛壯心驚
奸雄欺罔真兒戲只比臧鈞漫鬪羸

重登忠勤樓

宋亡諸將寂無聞猶有高樓倚暮雲
井幹璇題彫雉羽
碑摹玉篆缺龍文
君恩虛負忠勤寵
王道須知禮義尊
空與後人增感慨
當時羅綺只醺醺

獨坐君子堂

繼學嘗師鄧善之
之鄧綿州人也

海上歸來鬢未霜
登臨應不愧斯堂
風生葆羽迎仙蓋
華散瓊觥供佛香
江上蘼蕪隨意綠
雨中新樹過人長
綿州學士深埋玉
淚濕遺編可得忘

賞心亭

碌碌從人媿，挹關賞心應共鶴。飛還孤舟野水東，西渡落日長淮遠。近山神鼓乍喧，香霧合賓筵。初散綠陰間，相思咫尺長相隔。一似河流九曲灣。

潛宮

御榻當年小殿西，龍光照地起虹霓。蓬萊珠館珊瑚樹，花月瑤臺白玉梯。甲帳列營環衛密，龜茲按拍蹋歌齊。代來故事馮誰紀，只有年年杜宇啼。

為餘姚同知

闕

賦林泉

興在林泉道自存不妨吏隱駐高軒蒼生未起東山卧
坐客先留北海尊谷口風高青兕吼崖根雨過玉龍奔
壯夫出處皆隨分且及明時報主恩

次韻馬昂夫總管飲仙橋詩

鐵鎖高懸隔杳冥仙橋有路上瑤京夜涼暗覺潛蛟動
曉色微看素練平坤極尚遺神禹力山靈空賦祖龍名
爛柯舊事憑誰問石柱題詩薜荔生

贈王吉甫提舉

至治末嘗為樞密掾建
議誅逆賊史臣書之

早贊中樞勇有謀翩翩筆勢萬貌貅直書趙盾辭無愧
請討陳恒志未酬委質朝廷思報効得官隴畝課鋤耨
野人好惡無偏徇老穉遮留擁道周

次韻吳閒閒宗師贈茅山徐真人

當年野服漫朝天不羨稽山賀老船翠蜃夜蟠金井月
采鷺朝下玉爐烟俄聞劫燒嗟灰墨還見宮城慶醴泉
莫道仙人無白髮步虛聲裏又年年

次韻薩天錫臺郎賦三益堂芙蓉

華開未覺早霜殘，留伴仙人酒半闌。
翡翠巢空秋浦淨，落霞飛盡暮江寒。
玉真對月啼雙頰，楚袖迎風舞七盤。
持向昆耶聽說法，病翁元作色空看。

次韻王伯循僉事將上江東留別

江南江北白雲秋，隨分高情且宦游。
醉著鸛鵒歸月下，夢披葭葦釣槎頭。
光生玉宇秋先見，氣肅銀河夜不收。
明日繡衣終遠別，看山不盡更登樓。

謝張雪峯司農惠西域諸果

殊方嘉實未知名何幸分甘及野僧把玩乍疑金粟碎
緘題還愛翠囊盛紅鮮色映瑠盤露漿液寒生玉井冰
報以鹽梅助調鼎願言百祿與川增

張公天上久乘槎珍果南來合拜嘉楚子漫誇萍勝蜜
安期不數棗如瓜敢忘止足求多味已分充飢飽一麻
但喜遐荒時入貢瓊車風露滿流沙

次韻張夢臣侍御太子千秋日燕龍翔寺

天香一騎出燕山闔闔雲開近可攀華渚龍光瞻斗極

芒碭雲氣識龍顏
紀綱吳楚東南重
事業夔皋伯仲間
燕罷題詩煙景暮
松高千尺鶴飛還

李遵道墨竹二首

有美清揚鬢髮垂
神飈為佩水為衣
虬鸞萬舞羣仙下
葆羽多儀帝子歸
翠色夜寒雲靡靡
綠陰晝靜日暉暉
李公父子深埋玉
誰肯淋漓醉墨揮

長憶笳管谷裏行
蕭蕭几杖早涼生
庭虛月色僧還倚
院靜秋聲客獨驚
仙鳳去隨秦弄玉
雲驂留待許飛瓊

錦裯只愛龍孫好溥露梢頭照眼明

王元戴御史為沈禹錫畫洞庭圖

白簡風生嶽色秋揮毫能為故人酬霜華慘澹青楓樹
日脚微茫杜若洲萬化胚胎元氣濕巨靈斧鑿五丁愁
何時聽徹鈞天樂從此乘雲八極游

送太禧宗禋院觀志能照磨監造御廋還朝

宗禋從事擬分曹卷耳誰憐我馬勞犧象雲雷陳秬鬯
鵠夷風露出蒲桃周廬入直天光近待漏隨班斗柄高

此去便鴻傳好語雲中錦字認揮毫

謝郭道淵以詩慶住新寺

住近城南尺五天眼看金屋會羣仙
雲霞海上無三島風月人間即四禪
父老多情思沛邑從官有意賦甘泉
恩波不獨新蘭若麟鳳呈祥五百年

次韻荅曹德昭臺郎見寄

華壓雕欄護玉墀光涵珠網耀摩尼
室空誰問維摩病才捷徒憐顧愷癡
塵土汚人思自奮雲霄舉翮欲何之

期君臺閣鵷鷺集濯濯清風慰所知

曹德昭嘗蒙寄詩已率諸徒同和呂仲實僉憲偶
見連和三首相遺予與仲實未及識感其相知率

爾次韻上答

桂殿蘭宮九尺墀從游扑握與伊尼形殘尙儻空全智
腹飽侏儒只學癡辱贈瓊琚非報也載瞻銀漢欲杭之
道同何必論傾蓋白首如新不易知

百折摧殘不自持雪山巢頂愧芻尼人祈天女多求巧

我學吳兒欲賣癡拭目扶搖斯下矣
馳心江漢願東之
使車不欲煩迎候只恐星移太史知

繡衣千里想光儀何待蒙俱識
象尼鼠首更端知吏黠
螳酣萬穴笑兒癡孔顏聖域先登矣
儒墨風流一貫之
願續三賢龍井社山行應許野僧知

仲實復和見贈勉答二首

佛國初登七寶墀見超無見總持尼
情塵空盡還同俗
結習都忘不斷癡東嶺雲歸招共宿
北山鶴怨任他之

吾徒未識毘耶老衣染天華不自知

當年射策動丹墀獨考遺經演聖尼
早化鯤鵬矜意氣肯憐鶯燕語昏癡
支郎居越逢玄度蘇子來吳識器之
脫畧形骸忘物我風流莫遣俗人知

張夢臣侍御題東林李伯高西疇詩卷次韻二首

風流一代盍纓簪千載令人感慕深
老去歸田三逕樂賢勞報國百年心
霜餘菊圃疎堪摘雪後梅枝遠獨尋
山水至今遺愛在風清如聽倚梧吟

濟南汶上政相隣只合歸耕致此身
雖雖淺畝桑日薄
鳩啼初雨燒痕新
彭殤俱盡同今古
物我無私孰主賓
欲問香山客入社底須更覓葛天民

送張可道管勾赴任西臺

臺閣清流孰與同
還家乘傳似乘驄
西秦風物由來盛
三輔關河自古雄
邑子爭迎舟簇簇
津亭張燕鼓隆隆
相期衣繡重來日
還訪青谿野水東

雪牕蘭

誰把幽芳寄所思
山林久已負歸期
蘿龕騰著雲千頃
蕙帳空留月一規
作賦何人捐洛珮
招魂有恨弔湘纍
因知老衲夢揮灑
杖錫敲冰上劍池

送趙仲德歸國學受業兼東其父宗吉待制

文采家聲固足褒
也應地勝得人豪
遺民思遠唐風古
太嶽疆分晉水高
壯志聞雞思擊楫
雄才倚馬待揮毫
爾翁久擅絲綸美
露冷穹廬夜直勞

送笄子敬赴蒼梧尹

簡書深念遠人安出宰蒼梧選上班虛市穀登秋社早
津亭析盡畫陰閒島夷德被唐虞世鄒魯風移桂象間
奉詔遺祠躬謁奠忍看叢竹雨斑斑

送韓九成臺郎赴中臺

賢勞念子獨遐征上計郵程夜不停月暈有紅連碧海
星流如使度青冥權衡執法裁風紀檣杪誅奸肅政刑
報奏歸來承異渥好迂驄馬到林垌

送趙子威臺郎還都

王事雖勞足勝游千官迎候夜鳴騶憲網久著威名重
人望還推學術優攬轡直踰沙漠雪題詩偏愛海門秋
歸臺更美皇華使報奏天光動藻旒

送楊文舉赴江浙省宣使

凍解青泥柳未青駢駢四牡在林垌家聲奕世推韓斗
天上何人識使星黃閣盍簪春盎盎火城分直夜熒熒
明年重對賢良策第一臚傳出漢庭

柯敬仲墨竹二首

醉墨淋漓雨露春九重何止動奎文老龍夜奮千年蟄
采鳳翱翔五色雲淇澳多賢歌衛武蒼梧有淚憶湘君
買山只合丹丘住賸種清陰為我分

何處龍吟百丈泓驟驚風雨助從橫縈紆拳石藏千畝
次第寒梢發寸萌嶰谷何人調六律柯亭無客賞奇聲
五湖付與垂綸手斬取長竿掣巨鯨

柯敬仲作枯木竹石圖寄樵隱御史命題其上

木石山中託舊盟歲寒不改此君清相期雲霧隨龍化

金月日八
卷五
更待天風引鳳鳴靜對聞琴宜夜雨閒來歌枕愛秋聲
老樵自是伶倫手調入黃鐘取次成

子昂竹石

竹君石丈舊相忘直奉王孫直玉堂碧映果愚雲氣合
潤侵宮硯露華涼平泉回首班樵牧艮嶽隨時化犬羊
猶想胸中丘壑在龜谿拱木雨浪浪

眉壽堂為趙子威照磨賦

壽域鈞陶萬類春華堂偏慰白頭親黃封蟻汎雲霞動

紫誥鸞回雨露新
閨閨聯姻森虎兕
曾玄奕葉盡麒麟
繡衣不改斑衣樂
忠孝兼全在子身

次韻馮東麓侍御遊鍾山詩

底須勝集慕山陰
咫尺鍾山足訪尋
留客但教尊有酒
歸田寧計橐無金
才名久著三朝望
經律仍窮萬化心
一代風流真可重
後來感慨亦由今

東麓侍御赴燕南憲使留別次韻奉餞

從車祖帳候城陰
留別題詩辱重尋
愧乏鵬鷃酬斗酒

空憐駿骨市千金烏臺衣繡中朝貴
牛巷煙蓑故國心
萬世不磨存直道人間彈指去來今

蒲室集卷五

欽定四庫全書

蒲室集卷六

元 釋大訢 撰

絕句 五言

米元暉江山秋晚圖二首

紅樹宜秋晚澄江媚落暉扁舟如喚我莫待白頭歸
江山自開闢元氣忽淋漓貫月長虹夜涪翁許獨知

松雪翁墨蘭

風佩參差倚秋香暗襲予愁來禁不得誰弔楚三閭

畫牛

草煖犢子肥牧閒牛耳濕誰知荷蓑翁風雨租稅急

溪山小景

溪光深照席雲氣暗沈山好似西丘土扁舟幾日還

口號四首為海樵公送別

儀真舟中作

道合形皆寓心親跡任疎偶然成邂逅握手勝交書
矮蓬仍漏雨盤屈不如蝸漢使天河上難追萬里槎

功名隨分有聞道古難能收拾香山社霜顙及老僧
蒲香仍五日不是獨醒時有酒從人醉長齋律自持

絕句 七言

次韻馬虛中道士贈熊以善之金陵

江湖隨處得相逢四壁囊衣客意同自是雲踪無住著
秋蓬何事解隨風

師友平生孔文舉詞章今代沈佺期豈是雲林遺隱德
未應才俊困明時

朝望秦淮雲氣清
夜聞鶴唳帶風聲
參差天闕牛頭沒
斷續鍾山馬首迎

焚疏空聞招惠約
上書誰復繼鐔津
千巖萬壑不歸去
落日長江思遠人

次韻答石室元晦

不審往來相熟未
青衣迎棹慣看人
糗糒分餉家家似
薯蕷炊香頓頓新

憐君身大不及膽
想見道公應更癯
實錄自彰銘鼎義

能來重掃石浮圖

貝闕羣仙羅玉質也知天下足金銀深慚造物相料理
巖穴偏宜槁木身

義公死葬廬山下也說曇華一度開猶喜老禪隨幻住
昨朝天目寄書來

抗標雪晝同房住况是茗華雪不如扁舟短棹不成去
坐聽鐘沈月上初

贈日者沈愛山

君平天上知名久牛渚無人解汎槎獨抱囊衣江海去
扁舟風雨度年華

次韻答熊以善秀才

陞堂齊赴鼓隆隆獨著儒衣謁嬾融也勝朝回隨鴈起
西風千騎過雲中

風雨歸舟圖

中流鼓枻欲何之乘興何如盡興時蛟鰐垂涎風作橫
山長水遠欲何之

古廟折碑圖

古廟殘碑野水村行人回首暗銷魂
遙天何許孤雲沒不盡青山萬馬奔

贈顧可和

鏡客識我麒麟種茅氏憐吾丹鳳雛
幸有小郎供膳美土酥如練玉為腴

虞伯生學士以五詩贈一上人蒙見其一公將歸
蜀謁趙魯公次韻

醉罷蒲陶金叵羅散華方丈寫伽陀扁舟許我從公去
浩蕩江漚萬里波

潛宮樓殿五雲開雲外青山萬馬來黼黻天容歸化筆
故應留待謫仙才

我愛鍾山七佛居曇翁重掃劫灰餘先皇同愛靈山記
千古神龍護寶書

魯國數年書疏斷每思高會聽雲和別時有約終相覓
綿竹江頭雨一蓑

西蜀高僧識馬駒十年江表飽蒿藜
宗門喜見南回日
千衆開堂借品題

墨梅為馮仲寶賦

秋華瘦影月微茫風袂參差玉佩璫
更覺微酸生齒頰
千林煙雨待青黃

李息齋墨竹

李公墨妙俱陳跡誰識湖州苦用心
惆悵此君猶玉立
空山風雨夜堂深

雪窻蘭

百畝無香失舊叢
若為膏沐轉光風
趙家三昧吳僧得
未覺山人鶴帳空

舟至通州夜雨大作

明日京華拂面塵
穹廬如雪馬如雲
雨聲未忍孤蓬別
故遣蕭蕭枕上聞

次韻送寥天與

楚江失客暮帆開
眼底何人識異材
後夜月明潮又滿

青山空繞雨花臺

魚樂圖

予作菴東園將謀退休而未能入居之希古禪師寄魚樂圖索題感而為賦

築室開池學放魚
旋縈九島作江湖
畫圖更築煙波好
野水寒塘雪葦枯

畫馬

華山歸牧空龍種
傳得丹青十二閑
前歲上京聞扈蹕
白雲如見六龍還

湘水行春圖

湘江何處問幽棲
野服行春曉色微
著我茅茨相伴好
不堪衰疾未能歸

淵明歸去圖

橫亡海上只徒傷
夷隘空閒臥首陽
歸去柴桑吾故里
高風猶是昔文章

百雁圖

旣集還飛水正深
風驚葭葦亂聳音
江湖尚爾防矰弋
肯為傳書到上林

孤嶼圖為鴈山德長老題

澹煙疎樹月朦朧
路隔寒潮斷復通
添箇茅齋分我住
明年飛錫海門東

梅雪齋為達彥常賦

梅雪相輝映遠空
參橫猶愛月瞳朧
更期佳實充調鼎
好在青黃煙雨中

李遵道墨竹

曾共琅玕節上題
淋漓不記醉時揮
湘波如舞風如佩

猶待騎鯨碧海歸

次韻答征蠻御史五首

贈了空羽士

劍光電繞蒼崖裂
阿母金盤進紅雪
攜手一笑三千年
更約乘鰲拾海月

秋夜宿瓜洲江風山月亭

波底聞綃聞帛裂
玻璃萬頃魚龍雪
向來鼙鼓海門秋
夜驚不度宵廬月

寄西山李處士

每憶西山水竹居
秋風林影夕陽疎
江湖正自無知己
底用嫌人索報書

宿雲峯菴

雪深麋鹿無行跡
雲外樵歸何處笛
老禪騎虎不驚人
猿拾荒苔掛高石

游仙

騎雲直上黃金殿
騎鶴歸來白玉京
飲乾石髓開還合

指點蓬萊淺復清

濟法師清鏡圖

閣前湖水清如鏡
好為行人照白頭
寄我畫圖憐我老
何年鏡裏認扁舟

次韻馮東麓侍御留題鍾山八功德水

天上羣公玉筍森也
隨陶謝入東林
臨池最愛清如鏡
不照衰容只照心

東麓侍御赴燕南憲使留別次韻奉餞

雄譚咄咄氣陰森
玄度三生得道林
自喜神交忘物我
誰知宇宙本同心

竹石圖

往年會盛克明于幹禮部舟中後蒙以便面相寄今
見與喜近仁臺郎作竹石圖喜而為題

我愛淮南大小山
座分江月弄潺湲
竹君石丈能無恙
偏稱臺郎玉筍班

聯句

秋夜同太原張翥

仲舉永嘉李孝光

季和龍翔寺

聯句

先皇日潛邸梵宮冠東南金碧麗紺宇

翥

旌幢覆瓊函

六龍駐神馭

光

百靈護鸞驂地蟠龍虎氣

訢

殿擁貂蟬

簪文石露篆古

翥

化城天樂酣杏梁虹飲渚

光

壁甃蟾

生潭複道星辰直

訢

觚稜煙霧含浮圖琅當語

翥

藻井

采窓含曾暉雙鐵鳳

光

清旭眩冰蠶望氣芒碭遠

訢

問

道崆同堪御牀塵宛宛

翥

仙仗華毵毵珠襦韜玉柙

光

猊座涵空龕遺弓泣父老訢執豆奔侯男衣冠悶原廟

翦矛戟園精藍憑几數末訓光銘鼎紀玄譚聖祚萬世

啟訢法筵諸佛參貝翻譯經六翦圖繪笑像三華鬘衆

唄作光象教一嘿諳猿鶴驚此客訢林磻洗餘慙齋厨

飯香靄翦暝閣鐘聲饒錦薦渴獸扶光礎踞雕虎耽洒

掃媿無補訢倡酬知匪堪燥吻茗屢沃翦苦心策頻探

焚膏續迅晷光捲簾納霏嵐氍毹月采淨訢鑿落雲液

甘風籟縱古栢翦秋陰挾高栢戶牖蜂脾直光丹青海

波涵社中合陶謝

訢

方外師瞿聃息影了虛寂

蕭

棲禪

屏癡貪苾芻交折聖

光

伊蒲不盈甌心同畧形跡

訢

累

遺忘憂悵錦堆絡扇羽

蕭

赤螭銜劒鐔貌豪走疊負

光

塵尾揮鬢鬚堅壘避屈賈

訢

陋邦敵吳郟韻劇魔膽落

句雄神力擔擁鼻極營度

蕭

刺手勞鉤擣械笏遞銀鹿

蠹葉剔白蟬

闕

天人繞優曇

訢

境勝情自曠

理超思彌覃

光

雲卧委巾舄雨歸借篋籃

蕭

報章愧木

李留帖踰黃柑

訢

話言諒所慕沾醉詎可枕

光

捧席白

足慧

者翦

觸屏蒼頭慙

訢

偏袒劬肩聳

光

鏤匡鑲耳儋

翦

吾我涉誕謾

訢

爾汝志詒誦

翦

罅發粟穰厚色滄醪味

醪

光

剪韭差可芼食魚更須泔

翦

青谿渙以瀏蔣陵聞

其甜

訢

茲事付千載相期結廬菴

翦

蒲室集卷六